



REPUBLIKA E KOSOVËS
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION

01 -12- 2023 .

Ref. 2312/1234/KPM/jir

Radio Dukagjini
Ekrem Lluka
Drejtor
Pejë

VENDIM

Lidhur me Rastin Nr. 2023/167 – Komisioni i Pavarur i Mediave (KPM) për Radio Dukagjini (Pala Përgjegjëse)

Faktet

1. Pala përgjegjëse me datën 28 gusht 2009, është pajisur me licencë të KPM-së me seli në Pejë. Me marrjen e Licencës Ofruesi i shërbimit medial Pala përgjegjëse është obliguar që të respektojë Ligjin e KPM-së, Kushtet dhe Termet e Përgjithshme të Licencës si dhe aktet tjera nënligjore të nxjerra nga KPM.
2. KPM me datën 17 dhjetor 2021 ka nxjerrë Rregulloren KPM-2021/01 për Ofruesit e Shërbimeve Mediale Audio dhe Audiovizuale. Me këtë Rregullore përcaktohen kriteret, të drejtat dhe obligimet për ofruesit e shërbimeve mediale, pa marrë parasysh mënyrën e transmetimit në Republikën e Kosovës, me qëllim të garantimit të mbrojtjes së pluralizmit medial dhe interesit publik, si dhe të mundësohet garë e drejt dhe e barabartë në tregun medial në Republikën e Kosovës.
3. Me datë 19 shtator 2016, KPM mori Vendim për ripërtëritjen e licencës së Palës përgjegjëse edhe për një afat prej 7 viteve për të ushtruar veprimtari në ofrimin e shërbimeve mediale audio, ashtu siç përcaktohet me nenin 21 paragrafin 2 të Ligjit për KPM-në.
4. KPM, pas pranimit të informacioneve në lidhje me ndryshimet e bëra në pronësi nga Pala përgjegjëse me datën 31 maj 2023, ka mbajtur takim me përfaqësuesit e Palës përgjegjëse, përmes të cilit janë njoftuar se ndryshimet e bëra në pronësi pa miratim me shkrim nga KPM-ja, është veprim i cili është në kundërshtim me Ligjin dhe aktet nënligjore të KPM-së, dhe se për ndryshime të tilla nevojitet miratim paraprak me shkrim nga KPM.
5. Pala përgjegjëse me datën 30 gusht 2023, ka dorëzuar në KPM kërkesë për ndryshim të pronësisë, ku në certifikatën e biznesit Radio Televizioni “Dukagjini” Sh.p.k. më numër Unik Identifikues 810420323 (figuron edhe numri i mëparshëm i biznesit 7339243) vërehet se është bërë ndryshim i pronësisë nga z. Ekrem Lluka dhe është kaluar tek korporata Dukagjini (me pronar z. Ekrem Lluka), z. Ermal Panduari, znj. Edita Doli dhe z. Dardan Belegu. Sipas sqarimeve në kërkesën e z. Lluka, pronësia e Palës përgjegjëse do të ndahet në mesë të aksionarëve të propozuar Korporata Dukagjini 80% të aksioneve, z. Ermal Panduri 10% të

aksioneve, znj. Edita Doli 5% të aksioneve dhe Dardan Belegu 5% të aksioneve. Këto ndryshime në certifikatën e biznesit të Palës përgjegjëse janë bërë pa miratim paraprak me shkrim nga KPM.

6. KPM bazuar në Raportin e departamentit të Licencimit të datës 3 nëntor 2023 ka gjetur se Pala përgjegjëse ka bërë ndryshim të pronësisë në certifikatën e regjistrimit të biznesit pa miratim paraprak të KPM-së, duke vepruar kështu në kundërshtim me Ligjin e KPM-së, Kushtet dhe Termet e Përgjithshme të Licencës dhe Rregulloren KPM-2021/01 për Ofruesit e Shërbimeve Mediale Audio dhe Audiovizuale.

Analiza ligjore

7. Komisioni bazuar në të gjitha faktet dhe analizat e lartpërmendura konstaton se Pala përgjegjëse ka vepruar në kundërshtim me Ligjin e KPM-së, Kushteve dhe Termeve të Përgjithshme të Licencës, dhe Rregullores KPM-2021/01 për Ofruesit e Shërbimeve Mediale Audio dhe Audiovizuale.

8. Pala përgjegjëse ka vepruar në kundërshtim me nenin 21 paragrafi 3, i Ligjit të KPM-së, i cili përcakton se:

“Licencat nuk mund të shfrytëzohen dhe barten pa autorizimin dhe pa aprovimin paraprak me shkrim të KPM-së.”.

9. Në kundërshtim me nenin 18, të Rregullores për Ofruesit e Shërbimeve Mediale Audio dhe Audiovizuale KPM – 2021/01, i cili përcakton se:

“ Licencat nuk mund të shfrytëzohen dhe transferohen pa autorizim dhe pa aprovim paraprak me shkrim nga KPM”.

10. Në kundërshtim me nenin 15, paragrafin 2, paragrafin 2.1, paragrafin 2.2 dhe paragrafin 3, të Kushteve dhe Termeve të Përgjithshme të Licencës së KPM-së, i cili përcakton se:

2. “I licencuari nuk mund të bartë licencën ose frekuenc-ën(at) pa miratimin paraprak me shkrim të KPM-së.”

2.1. “Për çdo ndryshim në pronësi që kap më shumë se 10% të aksioneve të interesave ose ato që kanë ndikim të theksuar në kontrollin e të Licencuarit, kërkohet paraprakisht aprovimi me shkrim nga ana e KPM-së.”

2.2.” Kjo kërkesë do të zbatohet gjithashtu në rastin e ndryshimit të udhëheqësisë së të licencuarit, që është regjistruar si OJQ, në përputhje me Rregulloren e KPM-së për Kriteret Kualifikuese për Marrjen e Licencës. Në rastin kur KPM lejon transferimin e Licencës, në

asnjë rrethanë nuk do të paguhet e as të pranohet asnjë kompensim financiar për transferimin e kësaj licence.”

3. “Kontrolli Efektiv i Frekuencës: I Licencuari nuk do të transferojë kontrollin efektiv të një frekuence të licencuar tek një palë e tretë, plotësisht ose pjesërisht, pa autorizim paraprak me shkrim nga ana e KPM-së.”

11. KPM bazuar në Raportin e departamentit të Licencimit, konstaton se Pala përgjegjëse ka bërë ndryshim të pronësisë në certifikatën e regjistrimit të biznesit pa miratim paraprak të KPM-së.
12. Prandaj, KPM duke u bazuar në faktet e lartpërmendura konstaton se Pala përgjegjëse ka vepruar në kundërshtim me nenin 21 paragrafin 3, të Ligjin e KPM-së, nenit 18, të Rregullores për Ofruesit e shërbimeve Mediale Audio dhe Aidiovizuele-KPM-2021/01, dhe nenit 15, paragrafin 2, paragrafin 2.1, paragrafin 2.2, dhe paragrafin 3, të Kushteve dhe Termeve të Përgjithshme të Licencës.

Vendim

13. Pala përgjegjëse sanksionohet me **Gjobë** në shumën prej dymijë (2.000) euro në pajtim me 30 paragrafi 1.3 të Ligjit të KPM-së, për shkeljet të vazhdueshme të nenit 21, paragrafin 3, të Ligjin të KPM-së, nenin 18 Rregullores për Ofruesit e shërbimeve Mediale Audio dhe Aidiovizuele-KPM-2021/01, nenit 15, paragrafin 2, paragrafin 2.1, paragrafin 2.2, dhe paragrafin 3 të Kushteve dhe Termeve të Përgjithshme të Licencës.
14. Pala përgjegjëse, obligohet që në afat prej tridhjetë (30) ditësh pas pranimit të këtij Vendimi ta plotësoj kërkesën me dokumentet për ndryshim në pronësi, ashtu siç është e përcaktuar me nenin 21, paragrafin 3 të Ligjit të KPM-së, nenin 18, Rregullores për Ofruesit e shërbimeve Mediale Audio dhe Aidiovizuele-KPM-2021/01, dhe nenit 15, paragrafin 2, paragrafin 2.1, paragrafin 2.2, dhe paragrafin 3 të Kushteve dhe Termeve të Përgjithshme të Licencës.

E drejta për ankesë

15. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
16. Bordi për Ankesa do t'i merr parasysh vetëm ankesat e bazuara në informacione ligjërish të relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.


Jeton MEHMETI
Kryetar



24.11.2023
Datë